

БИЗГА ҚАНОТ БЕРИНГ ПАРВОЗЛАР УЧУН

Қўйчиев Одил Рахимович

Жиззах политехника институти, доцент

Аннотация

Ушбу мақолада муаллиф томонидан Мамлакатимиз раҳбари томонидан олиб борилаётган кенг ислоҳатлар таълим учун ажиратиладиган маблағлар ва ёшларнинг илғор ғояларини амалга ошириш бўйича бир қанча таклифлар билдириб ўтилган. Мақолада келтирилган далиллар ва олиб борилган илмий изланишлар соҳа мутассадилари учун дастуруламал вазифасини ўтайди.

Серқуёш юрт, мусаффо осмон эрк шаббодалари эсаётган бир вақтда Юртимизда барча соҳаларда тубдан ўзгаришлар, янгидан-янги технологияларнинг жорий этилаётгани ўниб-ўсиб келаётган ёшлар учун улкан бир ишонч бўлди десак муболаға бўлмайди. Дарҳақиқат Мамлакатимиз раҳбарининг ёшларга оид Давлат сиёсати ва ёшлар учун очиб берилаётган кенг қамровли ишлар, шубҳасиз албатта ўзининг самарасини беради. Айниқса, Давлатимиз раҳбарининг Республикамиз вилоятлари, турли манзилларга бўладиган ташрифлари сабаб, кўпдан-кўп ислоҳатлар амалда ўз тасдиқини топиб келмоқда. Ўзбекистон Республикаси Президенти Ш.М.Мирзиёевнинг 2023 йил 11-февраль куни Жиззах вилоятига қилган ташрифларида турли соҳа вакиллари билан дилдан, камтарона суҳбатлари, эртанги кунга билдираётган ишончлари, чиқараётган ҳар бир Фармон ҳамда Қарорларидан ҳам сезилиб туради. Жиззах политехника институти профессор-ўқитувчилари ташрифда иштирок этгани ва улар ўзларининг илмий ва Start-up лойиҳалари билан қатнашишлари, олийгоҳда олиб борилаётган сўнгги йиллардаги ютуқлари билан таништиришлари Мамлакатимиз раҳбарининг қалбида катта бир ишонч ҳосил қилишлари учун сабаб бўлди. Жиззах политехника институти “Энергетика” кафедраси профессори, ф.м.ф.д. Юлдашев Уруш Юлдашевичнинг муқобил энергия манбаини таъминлашда қуёш панелларини ишлаб чиқаришни ва бунга керакли маблағнинг етишмаётганини айтганлари Давлатимиз раҳбарининг назарига тушди. Жиззах политехника институти ушбу ғояни тадбиқ қилиши учун 5 миллиард сўм пул маблағи Олийгоҳимиз учун ажратилиши барчамизни бирдек қувонтирди. Чиндан ҳам ушбу ислоҳатларни амалга ошириш келгуси авлод учун дастлабки қадам вазифасини ўташига ишонамиз [1].

Муқобил ресурс тежовчи энергия ҳар соҳада ўзининг самарадорлигини беради. Қишлоқ хўжалиги, тиббиёт, енгил саноат, қурилиш, қўйингки барча соҳа учун бирдек зарурдир [2].

Қишлоқ хўжалиги соҳаси бўйича юқоридаги фикрларни тасдиқлаш учун бир нечта далилар билан мисол келтирайлик. Жиззах политехника институти Қишлоқ хўжалик маҳсулотларини сақлаш ва дастлабки ишлаш технологиясининг 2 босқич магистранти

Шахло Хошимова иқтидорли ташаббускор қизларимиздан бири ҳисобланади. У ўз уйида интенсив балиқчилик фаолияти билан шуғулланади. У 2 сотих ер майдонида тўрт минг дона карп балиғини етиштирди. Мени қувонтиргани шуки, 2022 йилнинг 12- май санасида “Янги Ўзбекистон: Илм қалдирғочлари-2022” кўрик танловининг Республика босқичида Шахло Хошимова Жиззах политехника институтида интенсив балиқчиликни ривожлантириш ва кислород апаратларини ҳаракатга келтиришда қуёш панелларини тадбиқ қилиш лойиҳаси билан иштирок этгани айнан балиқчилик учун ҳам қуёш панеллари муҳим эканлигидан далолат беради [3].



1-расм. Интенсив балиқчиликнинг ҳовузи.

Шахло Хошимова турли кўрик танловларда айнан юқорида кўрсатилган лойиҳаси бўйича кўпгина ютуқларни қўлга киритган. Аммо керакли қуёш панелларини топиш ва харид қилиши ҳозирги кунда муаммо бўлиб келмоқда. Эндиликда Олийгоҳимизда ресурс тежовчи қуёш панелларини ишлаб чиқарилиши йўлга қўйилса, Ш.Хошимованинг олиб бораётган балиқчилик соҳасидаги илмий фаолияти албатта ўз самарасини беради.

Шахло Хошимовага илмий раҳбарлигимда турли лойиҳаларда бир қанча мувофақиятларга эришганмиз. Келажакда Ш.Хошимова ўзи ташкил этган балиқчилик хўжалигини Жиззах политехника институти талабалари амалиёт ўтайдиган кичик худудга айлантиришни ният қилган. У балиқчиликдан ташқари паррандачилик ва иссиқхоналарини айнан қуёш панеллари орқали иситиш тизимни йўлга қўймоқчи. Институтимизда муқобил энергия манбаи-қуёш панелларини ишлаб чиқариш йўлга қўйилса, Ш.Хошимова сингари ёшларимиз илмий-тадқиқот ишларини жадаллаштиришлари учун катта ёрдам бўлади [4].

Хулоса ўрнида шуни айтишимиз мумкинки, Президентимиз Ш.М.Мирзиёев томонидан билдирилган ишонч Олийгоҳимизда фаолият юритаётган барча профессор-ўқитувчилар, докторантлар, магистрантлар ва талабалар учун қанот вазифасини ўтайди. Юксак марраларни забт этмоқ учун ирода, ишонч, сабр ҳамда парвоз қилмоқ учун кенг қанотлар керак бўлади. Ёшларга кенг қанот берилса, албатта улкан тоғларни ҳам забт этши осон бўлади.

Адабиётлар:

1. О.Р.Куйчиев, А.А.Пармонов *Формы, методы и содержание трудового воспитания.* Журнал “Общество” № 1 (16), 2020. -С. 73-76.
2. А.Т.Росабоев, О.Р.Куйчиев, Ш.Т.Худоёров *Результаты разработки энерго- и ресурсосберегающего устройства для очистки семян сельскохозяйственных культур. «Экспериментальные и теоретические исследования в современной науке».* Сборник статей по материалам XLIX международной научно-практической конференции. Том 1 (44). 2020. «Сибирская академическая книга» Новосибирск. Россия. -С. 45-51.
3. О.Р.Куйчиев *Ерёнгоқ илдиз қисмининг тузилиши, ўлчамлари ва физик-механик хоссалари.* Механика ва технология илмий журнали. № 2 (7) 2022. –Б. 69-75.
4. О.Р.Куйчиев, *Физико-механические характеристики арахиса.* Журнал «Universum. Технические науки» №2 (95) февраль, 2022. –С.36-38.